

御覽ズルニ、巳日也。巳日衰日イマダナキ事也。君ヲアザムキ申連句イハヌホドノモノイカデカ博士ニナルベキト被仰ケル今モ昔モ無才ノ博士ハアルモノナリケリ。

〔中右記〕大治五年十二月廿四日、以頭弁被仰云、來廿六日初可渡御三條西御所也、而晦日節分御方違必可有也、其前初御幸日次不見如何、廿七日未日御衰日、廿八日申日、廿九日往亡、卅日沒日也、此等中可用何日哉、可定申、人々多御衰日吉事例多、可被用廿七日也、予申云、往亡沒日ハ全不可候、衰日與申日之間、重被問陰陽師、隨申可有出御歟、藤大納言殿下被問、又以頭弁被仰云、廿七日御衰日、人々多申有先例之由、然者廿七月初御幸可有者、廿七日乙未、今日院羽鳥女院雖御衰日、依有僉議初御幸東殿云々、

〔江談抄公事〕八十島祭日可避主上御衰日事

又云、八十島祭者多以酉日爲使立并行祭日、若日次不宜之時雖不行之、使立并行祭日之間一日用酉日、而延喜聖主十四歲之時、被立件使、酉日御衰日也、主上廿二歲、仍以酉日爲御衰日、依然又避之、同祭日、猶被避儲君御衰日例、

又曰、延久之時、雖不當主上御衰日、以當儲君御衰日、又避之、

〔吾妻鏡脫漏〕嘉祿三年元安貞四月廿二日庚午、武州北條渡御大倉御堂、於此所召陰陽道之輩、被

問新造堂供養之事、可爲六月十九日之旨、自京都雖擇申、其以前難終土木之功、七月十一日正日以前日次可計申、五日壬午、可爲何樣哉者、晴幸、文元申云、午日將軍御衰日也、尤可有憚云云、泰貞申云、將軍家御衰日、二位家第三年御佛事、非可被憚歟、但十一日戊子、無難日也、可被遂之歟云云、親職、宣賢申云、戊子不入吉之上、丈六供養無先規、五日宜云云、各申狀、既不一揆之間、如駿河前司之衆、被議云、將軍家御衰日、無可憚之儀、附三寶吉日、可爲五日之由、被定畢、清和天皇御宇、貞觀三年辛巳三月十四日戊子、東大寺供養也、